



Сәулет-құрылыс бақылауын және қадағалауды жүзеге асыратын мемлекеттік құрылыс инспекторларын аттестаттау қағидаларын бекіту туралы

Күшіні жойған

Қазақстан Республикасы Үкіметінің 2006 жылғы 22 мамырдағы N 437 Қаулысы. Күші жойылды - Қазақстан Республикасы Үкіметінің 2015 жылғы 16 шілдедегі № 542 қаулысымен

Ескерту. Күші жойылды - ҚР Үкіметінің 16.07.2015 № 542 (алғашқы ресми жарияланған күнінен кейін күнтізбелік он күн өткен соң қолданысқа енгізіледі) қаулысымен.

Ескерту. Тақырып жаңа редакцияда - ҚР Үкіметінің 2012.06.29 № 883 (алғашқы ресми жарияланған күнінен бастап күнтізбелік он күн өткен соң қолданысқа енгізіледі) Қаулысымен.

"Қазақстан Республикасындағы сәулет, қала құрылысы және құрылыс қызметі туралы" Қазақстан Республикасының 2001 жылғы 16 шілдедегі Заңына сәйкес Қазақстан Республикасының Үкіметі **ҚАУЛЫ ЕТЕДІ:**

1. Қоса беріліп отырған Сәулет-құрылыс бақылауын және қадағалауды жүзеге асыратын мемлекеттік құрылыс инспекторларын аттестаттау қағидалары бекітілсін.

Ескерту. 1-тармақ жаңа редакцияда - ҚР Үкіметінің 2012.06.29 № 883 (алғашқы ресми жарияланған күнінен бастап күнтізбелік он күн өткен соң қолданысқа енгізіледі) Қаулысымен.

2. Осы қаулы алғаш рет ресми жарияланған күнінен бастап қолданысқа енгізіледі.

Қазақстан Республикасының

Премьер-Министрі

Қазақстан

Республикасы

Үкіметінің

2006

жылғы

22

мамырдағы

N

437

қаулысымен

бекітілген

Сәулет-құрылыс бақылауын және қадағалауды жүзеге асыратын мемлекеттік құрылыс инспекторларын аттестаттау қағидалары

Ескерту. Тақырып жаңа редакцияда - ҚР Үкіметінің 2012.06.29 № 883 (алғашқы ресми жарияланған күнінен бастап күнтізбелік он күн өткен соң қолданысқа енгізіледі) Қаулысымен.

1. Жалпы ережелер

1. Осы Сәулет-құрылыс бақылауын және қадағалауды жүзеге асыратын мемлекеттік құрылыс инспекторларын аттестаттау қағидалары (бұдан әрі – Қағидалар) «Қазақстан Республикасындағы сәулет, қала құрылысы және құрылыс қызметі туралы» Қазақстан Республикасының 2001 жылғы 16 шілдедегі Заңына сәйкес әзірленді және сәулет-құрылыс бақылауын және қадағалауды жүзеге асыратын мемлекеттік құрылыс инспекторларын (бұдан әрі – инспекторлар) аттестаттау өткізу тәртібін белгілейді.

Ескерту. 1-тармақ жаңа редакцияда - ҚР Үкіметінің 2012.06.29 № 883 (алғашқы ресми жарияланған күнінен бастап күнтізбелік он күн өткен соң қолданысқа енгізіледі) Қаулысымен.

2. Сәулет, қала құрылысы және құрылыс істері жөніндегі уәкілетті органның (бұдан әрі – уәкілетті орган) мемлекеттік құрылыс инспекторлары, бас мемлекеттік құрылыс инспекторлары, бас мемлекеттік құрылыс инспекторларының орынбасарлары және облыстардың, республикалық маңызы бар қаланың, астананың мемлекеттік құрылыс инспекторлары аттестаттауға ж а т а д ы .

Ескерту. 2-тармақ жаңа редакцияда - ҚР Үкіметінің 2012.06.29 № 883 (алғашқы ресми жарияланған күнінен бастап күнтізбелік он күн өткен соң қолданысқа енгізіледі) Қаулысымен.

3. Осы Қағидаларда мынадай ұғымдар пайдаланылады:

1) Қазақстан Республикасының бас мемлекеттік құрылыс инспекторлары – объектілер құрылысының барысына және сапасына мемлекеттік сәулет-құрылыс бақылауын және қадағалауын жүзеге асыратын уәкілетті органның басшысы;

2) Қазақстан Республикасының Бас мемлекеттік құрылыс инспекторының орынбасарлары – объектілер құрылысының барысына және сапасына мемлекеттік сәулет-құрылыс бақылауын және қадағалауын жүзеге асыратын уәкілетті орган басшысының орынбасарлары;

3) мемлекеттік құрылыс инспекторлары – лауазымдық міндеттеріне құрылыстарды жедел инспекциялау кіретін уәкілетті органның штаттағы қ ы з м е т к е р л е р і ;

4) облыстардың, республикалық маңызы бар қаланың, астананың бас мемлекеттік құрылыс инспекторлары – объектілер құрылысының барысына және сапасына мемлекеттік сәулет-құрылыс бақылауын және қадағалауын жүзеге

асыратын уәкілетті органның аумақтық бөлімшелерінің басшылары;

5) облыстардың, республикалық маңызы бар қаланың, астананың бас мемлекеттік құрылыс инспекторларының орынбасарлары – объектілер құрылысының барысына және сапасына мемлекеттік сәулет-құрылыс бақылауын және қадағалауын жүзеге асыратын уәкілетті органның аумақтық бөлімшелері басшыларының орынбасарлары;

б) облыстардың, республикалық маңызы бар қаланың, астананың мемлекеттік құрылыс инспекторлары – лауазымдық міндеттеріне құрылыстарды жедел инспекциялау кіретін уәкілетті органның аумақтық бөлімшелерінің штаттағы қызметкерлері.

Ескерту. 3-тармақ жаңа редакцияда - ҚР Үкіметінің 2012.06.29 № 883 (алғашқы ресми жарияланған күнінен бастап күнтізбелік он күн өткен соң қолданысқа енгізіледі) Қаулысымен.

4. Аттестаттау инспекторлардың құзыреттілігін, сәулет, қала құрылысы және құрылыс саласындағы мемлекеттік нормативтерді білуін анықтау, олар жүзеге асыратын жұмыстардың сапасын жақсарту, құрылыс саласында болып жатқан өзгерістерді ескере отырып, жаңа талаптарды зерделеу мақсатында жүргізіледі және мынадай екі кезеңнен тұрады:

1) тестілеу;

2) әңгімелесу.

Ескерту. 4-тармақ жаңа редакцияда - ҚР Үкіметінің 28.04.2014 № 411 қаулысымен (алғашқы ресми жарияланған күнінен кейін күнтізбелік он күн өткен соң қолданысқа енгізіледі).

5. Инспекторлар қызметте болған әрбір кезекті үш жыл өткен сайын, бірақ осы лауазымға орналасқан күннен бастап кемінде алты ай өткеннен кейін аттестациядан өтеді.

Бұл ретте аттестаттау көрсетілген мерзім басталған күннен бастап алты айдан кешіктірілмей өткізілуге тиіс.

6. Аттестаттау аттестациядан өтетін инспектордың өтініші бойынша мемлекеттік немесе орыс тілінде жүргізіледі.

2. Аттестаттау комиссиясы

7. Аттестаттау өткізу үшін уәкілетті орган басшысының бұйрығымен аттестаттау комиссиясы құрылады.

Аттестаттау комиссиясы комиссия төрағасынан, төрағаның орынбасарынан, мүшелері мен хатшысынан тұрады. Комиссия мүшелерінің саны бес адамнан кем болмауға тиіс.

Аттестаттау комиссиясының отырысында аттестаттау комиссиясының

төрағасы болмаған жағдайда, оған аттестаттау комиссиясы төрағасының орынбасары төрағалық етеді.

Комиссияның хатшысы комиссия мүшесі болып табылмайды және оның дауыс беру құқығы жоқ.

Ескерту. 7-тармақ жаңа редакцияда - ҚР Үкіметінің 2012.06.29 № 883 (алғашқы ресми жарияланған күнінен бастап күнтізбелік он күн өткен соң қолданысқа енгізіледі) қаулысымен; өзгеріс енгізілді - ҚР Үкіметінің 28.04.2014 № 411 (алғашқы ресми жарияланған күнінен кейін күнтізбелік он күн өткен соң қолданысқа енгізіледі) қаулысымен.

8. Уәкілетті органның басшысы белгілеген уәкілетті органның құрылымдық бөлімшесі аттестаттау комиссиясының жұмыс органы (бұдан әрі – жұмыс органы) болып табылады.

Ескерту. 8-тармақ жаңа редакцияда - ҚР Үкіметінің 2012.06.29 № 883 (алғашқы ресми жарияланған күнінен бастап күнтізбелік он күн өткен соң қолданысқа енгізіледі) Қаулысымен.

9. Уәкілетті органның басшысы жұмысшы органның ұсынысы бойынша аттестатталуға тиіс инспекторлардың тізімі бекітілетін, аттестация өткізудің мерзімі мен кестесі белгіленетін бұйрық шығарады.

Жұмысшы орган аттестациядан өтетін адамдар бойынша қажетті құжаттар дайындауды жүзеге асырады.

10. Аттестаттау комиссиясының құрамына уәкілетті орган басшысының орынбасарлары және уәкілетті органның құрылымдық бөлімшелерінің басшылары енгізіледі.

Ескерту. 10-тармақ жаңа редакцияда - ҚР Үкіметінің 2012.06.29 № 883 (алғашқы ресми жарияланған күнінен бастап күнтізбелік он күн өткен соң қолданысқа енгізіледі) Қаулысымен.

11. Өңірлік аттестаттау комиссиялары ведомстволық бағынысты аумақтағы мемлекеттік құрылыс инспекторларын аттестациядан өткізеді.

Өңірлік аттестаттау комиссиялары көшпелі аттестация өткізеді.

Өңірлік аттестаттау комиссияларының құрамы уәкілетті орган басшысының бұйрығымен белгіленеді.

12. Аттестаттау комиссиясының отырысы комиссия құрамының кемінде үштен екісін құрайтын кворум болған кезде заңды болады.

Ескерту. 12-тармақ жаңа редакцияда - ҚР Үкіметінің 2012.06.29 № 883 (алғашқы ресми жарияланған күнінен бастап күнтізбелік он күн өткен соң қолданысқа енгізіледі) Қаулысымен.

13. Шешім аттестаттау комиссиясы мүшелерінің көпшілік даусымен қабылданады. Дауыстар тең болған кезде аттестаттау комиссиясы төрағасының даусы шешуші болып табылады.

13-1. Егер, аттестаттау комиссиясының мүшесі аттестаттаудан өткен жағдайда, өзіне қатысты дауыс бере алмайды.

Ескерту. Қағидалар 13-1-тармақпен толықтырылды - ҚР Үкіметінің 28.04.2014 № 411 қаулысымен (алғашқы ресми жарияланған күнінен кейін күнтізбелік он күн өткен соң қолданысқа енгізіледі).

3. Облыстардың (республикалық маңызы бар қаланың, астананың) бас мемлекеттік құрылыс инспекторларын және мемлекеттік құрылыс инспекторларын аттестациядан өткізуді ұйымдастыру

14. Жұмыс органы осы Қағидалардың 5-тармағына сәйкес аттестатталуға тиіс инспекторларды айқындайды және аттестатталуға тиіс инспекторлардың тізімін уәкілетті орган басшысына бекітуге ұсынады.

Ескерту. 14-тармақ жаңа редакцияда - ҚР Үкіметінің 2012.06.29 № 883 (алғашқы ресми жарияланған күнінен бастап күнтізбелік он күн өткен соң қолданысқа енгізіледі) Қаулысымен.

15. Жұмысшы орган аттестация өткізу басталғанға дейін кемінде бір ай бұрын аттестатталуға тиіс адамдарды оның өткізілу мерзімі туралы жазбаша хабардар етеді.

16. Уәкілетті ұйымның кадр қызметі және уәкілетті органның аумақтық бөлімшелері аттестаттау өткізуге дейін екі апта қалғанда аттестатталуға тиіс инспекторлар үшін мынадай құжаттарды дайындайды және жұмыс органына ж і б е р е д і :

- 1) қызметтік мінездеме;
- 2) кадрларды есепке алу жөніндегі жеке парақ;
- 3) ө м і р б а я н ;
- 4) білімі туралы дипломның көшірмесі;
- 5) ғылыми дәрежесінің, атағының болуы, біліктілігін арттырғаны және т.б. туралы куәліктердің, сертификаттар мен куәліктердің (бар болса) көшірмелері.

Ескерту. 16-тармақ жаңа редакцияда - ҚР Үкіметінің 2012.06.29 № 883 (алғашқы ресми жарияланған күнінен бастап күнтізбелік он күн өткен соң қолданысқа енгізіледі) Қаулысымен.

17. Қызметтік мінездеме аттестатталатын адамның кәсіптік, жеке қасиеттері мен қызметтік іс-әрекеті нәтижелерінің бағасын қамтуға тиіс және оған:

- 1) Қазақстан Республикасының бас мемлекеттік құрылыс инспекторының орынбасарлары үшін – уәкілетті органның басшысы;
- 2) аумақтық бөлімшелердің бас мемлекеттік құрылыс инспекторлары үшін – уәкілетті орган басшысының орынбасары;
- 3) бас мемлекеттік құрылыс инспекторлары мен аумақтық бөлімшелердің

мемлекеттік құрылыс инспекторларының орынбасарлары үшін – уәкілетті органның тиісті аумақтық бөлімшелерінің басшылары;

4) уәкілетті органның мемлекеттік құрылыс инспекторлары үшін – уәкілетті орган басшысының орынбасарлары;

5) аумақтық бөлімшелердің мемлекеттік құрылыс инспекторларының орынбасарлары үшін – уәкілетті органның тиісті аумақтық бөлімшелерінің басшылары не олардың орынбасарлары қол қояды.

Ескерту. 17-тармақ жаңа редакцияда - ҚР Үкіметінің 28.04.2014 № 411 қаулысымен (алғашқы ресми жарияланған күнінен кейін күнтізбелік он күн өткен соң қолданысқа енгізіледі).

18. Алып тасталды - ҚР Үкіметінің 2012.06.29 № 883 (алғашқы ресми жарияланған күнінен бастап күнтізбелік он күн өткен соң қолданысқа енгізіледі) Қаулысымен.

19. Аттестатталатын адам аттестаттау комиссиясының отырысына дейін екі апта мерзім бұрын өзіне берілген қызметтік мінездемемен танысуға тиіс.

20. Аттестатталатын адам өзіне берілген қызметтік мінездемемен келіспеген жағдайда, аттестаттау комиссиясының отырысына дейін екі апта қалғанда жұмыс органына өзін сипаттайтын қосымша ақпарат беру арқылы өзінің келіспейтіні туралы мәлімдеме жасай алады.

Ескерту. 20-тармақ жаңа редакцияда - ҚР Үкіметінің 28.04.2014 № 411 қаулысымен (алғашқы ресми жарияланған күнінен кейін күнтізбелік он күн өткен соң қолданысқа енгізіледі).

4. Ведомстволық бағынысты аумақтағы мемлекеттік құрылыс инспекторларын аттестациядан өткізуді ұйымдастыру

Ескерту. 4-тарау алып тасталды - ҚР Үкіметінің 2012.06.29 № 883 (алғашқы ресми жарияланған күнінен бастап күнтізбелік он күн өткен соң қолданысқа енгізіледі) Қаулысымен.

4-1. Тестілеу өткізу

Ескерту. Қағидалар 4-1-бөліммен толықтырылды - ҚР Үкіметінің 28.04.2014 № 411 қаулысымен (алғашқы ресми жарияланған күнінен кейін күнтізбелік он күн өткен соң қолданысқа енгізіледі).

20-1. Жұмыс органы тест сұрақтарын жасайды және оны уәкілетті органның б а с ш ы с ы б е к і т е д і .

Тест сұрақтары жауаптар парақтарын толықтыру түрінде аттестатталатын адамның білім деңгейін бағалаған кезде пайдаланылады.

20-2. Тестілеу екі кезеңнен тұрады:

- 1) тестілеуге қатысушылардың тестіден өтуі;
- 2) нәтижелерді есептеу.

Тестілеу тестілеуге қатысушының өтініші бойынша мемлекеттік немесе орыс тілінде жүргізіледі.

20-3. Тестілеу кезінде қатысушылардың:

- 1) тестілеу аяқталғанға дейін үй-жайдан кетіп қалуына;
- 2) тестілеуге қатысушылармен сөйлесуіне және басқа да іс-қимылымен кедергі жасауына;
- 3) жеке электрондық құралдарды (оның ішінде компьютерді, ұялы телефонды) пайдалануына рұқсат етілмейді.

Жоғарыда көрсетілген талаптар бұзылған жағдайда тестілеуге қатысушы тестілеу өткізіліп жатқан үй-жайдан шығарылады; осы адам үшін тестілеу өтпеді деп танылады және тестілеуге қатысушы әңгімелесуге жіберілмейді, бұл туралы аттестаттау комиссиясы отырысының хаттамасында көрсетіледі.

Осы адам аттестаттау комиссиясы белгілеген мерзімдерде, бірақ үш айдан ерте емес мерзімде қайта аттестаттаудан өтеді.

20-4. Тест тапсырмаларын орындауға берілген жалпы уақыт 90 минутты құрайды. Тест сауалнамалары 100 (жүз) сұрақтан тұрады.

Тесті орындау үшін бөлінген уақыт аяқталғаннан кейін материалдар аттестаттау комиссиясына ұсынылады.

20-5. Тестілеу нәтижесін санауды 3 (үш) сағаттан аспайтын уақыт ішінде дұрыс жауаптардың кодтарын пайдалана отырып, аттестаттау комиссиясы жүргізеді.

20-6. Мемлекеттік сәулет-құрылыс бақылауын және қадағалауын жүзеге асыратын құрылымдық бөлімшелердің басшылары мен олардың орынбасарлары, сондай-ақ Қазақстан Республикасының бас мемлекеттік инспекторларының орынбасарлары үшін шекті мән – кемінде 70 %; аттестаттауға жататын қалған санаттар үшін – кемінде 60 %, тестілеу нәтижесі есептеледі.

20-7. Тестілеуден өту кезінде шекті мәннен төмен баға алған тестілеуге қатысушы әңгімелесуге жіберілмейді.

Осы адам аттестаттау комиссиясы белгілеген мерзімдерде, бірақ үш айдан ерте емес мерзімде қайта тестілеуден өтеді.

20-8. Қайта тестілеуден өткен кезде тестілеуге қатысушы шекті мәннен төмен баға алса, онда аттестаттау комиссиясы тестілеуге қатысушы атқаратын инспектор лауазымына сәйкес еместігі туралы шешім қабылдайды.

5. Аттестация өткізу

27. Аттестация аттестатталатын адамның қатысуымен өткізіледі.

28. Аттестаттау комиссиясы аттестатталатын адамға осы Ережеге қосымшаға сәйкес нысан бойынша аттестаттау парағын рәсімдейді.

29. Аттестаттауға тиіс, бірақ дәлелді себептермен келмей қалған адам аттестаттау комиссиясы белгілеген мерзімде аттестаттау рәсімдерінен өтеді.

30. Аттестаттау комиссиясы ұсынылған материалдарды зерделей, уәкілетті орган белгілеген тәртіппен аттестатталатын адамға тестілеу және әңгімелесуді жүргізе отырып, мынадай шешімдердің бірін қабылдайды:

- 1) аттестациядан өтті;
- 2) аттестатталған жоқ, қайта аттестаттауға жатады;
- 3) аттестатталған жоқ және инспектор атқаратын лауазымға сәйкес келмейді (тек қайта аттестатталған жағдайда).

Ескерту. 30-тармаққа өзгеріс енгізілді - ҚР Үкіметінің 28.04.2014 № 411 қаулысымен (алғашқы ресми жарияланған күнінен кейін күнтізбелік он күн өткен соң қолданысқа енгізіледі).

31. Аттестаттау комиссиясының шешімі оның отырысына қатысқан төраға, төрағаның орынбасары, аттестаттау комиссиясының мүшелері мен оның хатшысы қол қоятын хаттамамен рәсімделеді.

Ескерту. 31-тармақ жаңа редакцияда - ҚР Үкіметінің 28.04.2014 № 411 қаулысымен (алғашқы ресми жарияланған күнінен кейін күнтізбелік он күн өткен соң қолданысқа енгізіледі).

32. Аттестатталатын адам аттестаттау комиссиясының шешімімен таныстырылуға тиіс.

33. Аттестаттау комиссиясының шешімі аттестация өткізілген күннен бастап бір ай мерзімде уәкілетті орган басшысының бұйрығымен бекітіледі.

34. Аттестаттау комиссиясының бекітілген шешімі аттестатталатын адамның аттестаттау парағына енгізіледі.

35. Аттестациядан өткен аттестатталатын адамның аттестаттау парағы жеке іс-қағазда сақталады.

36. Уәкілетті органның басшысы бекіткен аттестациядан өтпегені және инспектор атқаратын лауазымға сәйкес келмейтіні туралы шешім аттестатталатын адамды инспектор лауазымынан босату үшін негіз болып табылады.

37. Аттестаттаудан өтпеген, бірақ қайта аттестаттауға жататын адам аттестаттау комиссиясы белгілеген мерзімде, бірақ кемінде үш ай өткеннен кейін аттестаттаудан қайта өтуі мүмкін.

Ескерту. 37-тармақ жаңа редакцияда - ҚР Үкіметінің 28.04.2014 № 411 қаулысымен (алғашқы ресми жарияланған күнінен кейін күнтізбелік он күн өткен соң қолданысқа енгізіледі).

6. Қорытынды ережелер

38. Аттестация өткізу кезінде туындаған даулар Қазақстан Республикасының заңнамасында белгіленген тәртіппен қаралады.

Сәулет-құрылыс бақылауын және
қадағалауды жүзеге асыратын мемлекеттік
құрылыс инспекторларын аттестаттау
қағидаларына қосымша

Аттестаттау парағы

Ескерту. Қосымша жаңа редакцияда - ҚР Үкіметінің 28.04.2014 № 411 қаулысымен (алғашқы ресми жарияланған күнінен кейін күнтізбелік он күн өткен соң қолданысқа енгізіледі).

Аттестатталатын инспектор туралы ақпарат _____

Тегі, аты, әкесінің аты _____

Туған күні және жері _____

Білімі _____

Лауазымы және тағайындалған күні _____

Жалпы еңбек _____ өтілі (оның ішінде мемлекеттік сәулет-құрылыс бақылау органдарында), оның ішінде осы лауазымда _____

Қосымша мәліметтер:

Аттестаттау нәтижелері туралы мәліметтер:

Қатысқан аттестаттау комиссиясы мүшелерінің саны _____

Дауыс беру нәтижелері:

«Жақтағандар» _____

«Қарсы» _____

Қабылданған шешім: _____

(аттестаттаудан өтті; аттестатталған жоқ және қайта аттестаттауға жатады; аттестатталған жоқ және инспектор атқаратын лауазымға сәйкес келмейді)

Төраға / _____ /

Төрағаның орынбасары / _____ /

Хатшы / _____ /

Мүшелері / _____ /

/ _____ /

Қабылданған шешіммен таныстым _____

(аттестатталатын адамның қолы және күні)

© 2012. Қазақстан Республикасы Әділет министрлігінің «Қазақстан Республикасының Заңнама және құқықтық ақпарат институты» ШЖҚ РМК